

庭陳賀以聞帝謙而不當甲子群臣奏瑞相趨無已勅曰中陳賀之言非攸欲聽丙寅公卿重上

表以求賀瑞帝以苦請難拒許之九月壬午是日右京人村主岑成於攝津國島上郡河上獲白龜獻

之己丑詔曰中而今攝津畿服之地亦獲神龜而獻之僉謂不世之鴻符難得而廢矣朕重違敦請

再三念之若是百神七廟之願復萬民三槐九棘之緝熙庶績之所致者乎有司其擇吉日告於宗社夫

封壇馬齒獻瑞不恒天貺攸降理須優異宜特令攝津國島上郡莫輸今年之調美作國英多郡石見國

安農郡備前國磐梨郡並免當年之庸獲龜之人岑成等叙從六位上賜物准例天下祝部各免其租又

五畿內七道諸國承和六年以往調庸未進咸從免除濬以膏潤由茲惠液之祥布以至和協彼長生之

瑞庚子遣侍從從五位上島江王向伊勢太神宮神祇大副從五位下中臣朝臣逸志向賀茂大神社

神祇權少祐正六位上下部業基向尾張大神社告以賀瑞之由大祓於建禮門前以遣使也又下知五

畿七道諸國斑幣名神同告賀瑞之由十月己酉遣中納言正三位源朝臣定左京大夫從四位上正

行王向山科山陵散位從五位下春原朝臣未繼內舍人從六位下安陪朝臣弘行向前田原山陵右京

大夫從四位下藤原朝臣諸成向後田原山陵參議正四位下滋野朝臣貞主掃部頭從五位下滋野朝

臣善蔭向柏原山陵中納言從三位源朝臣弘彈正大弼從四位上藤原朝臣衛向楊梅山陵中納言正

三位安倍朝臣安仁從四位下宮內大輔房世王向嵯峨山陵從三位大藏卿平朝臣高棟散位從四位

下藤原朝臣輔嗣向大原山陵參議從四位上伴宿禰善男侍從從五位下藤原朝臣諸葛向深草山陵

告以賀瑞之由策文曰天皇恐見恐見掛畏支山陵爾申賜止申久維嘉祥三年八月十七日爾公卿等

奏世貢攝津國美作國備前國並獻白龜利石見國獻甘露久乎進止奏利世希世留大瑞波是薄

德乃可令感致支物波爾非須掛畏支山陵乃慈賜比示賜留倍物止奈利為天奈貴喜比受賜利畏萬狀乎進

出天恐見恐見申賜波久申
〔三代實錄二十九〕貞觀十八年七月廿六日辛丑太宰府言肥後國獲白龜一長五寸闊四寸五分九